




La nciurnida



Idiom: Gherdëina
Meludia: Hansjörg Kostner
Paroles: Hansjörg Kostner

La sperduda che é giapà canche t'é ancuntà,
avisa savovi che tu ies la drëta per mé.
N tarlui te mi cuer à descurì n gran amor,
sentimënt bel sot nia zeche da fé damat.

Dime pu che te m'es tan gën, viv chësc bel mumënt,
dame la man y sauta cun mé, i pensieres posses desmincë.
Dime pu che te m'es tan gën, viv chësc bel mumënt,
dame la man y lascete jì te chësc suenn nsci.

Son dut nciurnì, tu me fejes propi patì,
ma l ie n bel sté ert, ne ulësse mei plu jì adalerch,
daujin ne n'ies mei assé, l'anes po' se dleghé,
chësc ie l setimo ciel, l ne n'ie nia zeche plu de bel.

Dime pu che te m'es tan gën, viv chësc bel mumënt,
dame la man y sauta cun mé, i pensieres posses desmincë.
Dime pu che te m'es tan gën, viv chësc bel mumënt,
dame la man y lascete jì te chësc suenn nsci.